

مرکز تۆزۈپ :
باب عالی جاده سنده (اتحاد
تجارت) كىتبخانه سى

آبونه بدلى :

سنه لى ۱۰۰ غروش
آلتى آلتى ۵۰

ممالك اجنييه ايچين ۲۵ غروش ضم
اولوناليدىر .

دىنى ، علمى ، ادبى ، اجتماعى

مخمس

۱۳۳۸

بجوئے اسلامى

صاحبى ، مديرى ، محررى :

آبونه قىدى معاملە سى هر سنه نك بونجى
وايكه چى آلتى آلتى اعتباراً اجرا اولونوز

فى: غروش

۱۰

ذى الحجه

۱۳۴۲



اداره خانه سى :
بايزيد جامع شريفى تر به قاپسى
قارشيسنده

اسلامك نفعنه خادى مقالات
مع الت شكر قبول ونشر اولونوز

يازانك شخصيتى دكل ، يازينك اهميتى
نظر دفته آلتىيدر .

كن يازيلردن شايدان قبول كورولنلر
تاوخ صيراسيله درج ايديلير .

كونده ريله جاك آثار ، اوقوناقلى
ومختصرجه يازيلش اولماليدىر .

جلد

۵

عدد

۵۰

ثالثاً — (فن شهد منكم الشهر فليصمه)
آیت جلیله سی نازل اوله رق شهر رمضانده حاضر
اولانلردن اوروجه کوچی یتن هر فرده رمضانده
عیناً اوروج طوتمق تعیین و فرض قیلنوب مقدا
ویریلن تخییر حکمی نسخ اولنمشدردر .
ایشته آیتده نسخه قائل اولانلرک نقطه نظر لری
بودر . (مابعدی وار)

اسکطیلی محمد عاطف

صریح سیاره سی

بوسنه مایس وحزیران آیلرنده کیجه یاریسیندن
صکره ، تموز و اغستوس آیلرنده بر آز اول
شرقه پارلاق بر قیرمنی ییلدیز نظر دقتمزی
جلب ایدر . فضانک بی نهیاه درینلکنده اسرار
انکیز بر صورتده پارلایان بو جرم سماوینک ضیایی
شیمدی به قدر ماهیتی ادراکدن عاجز بولندیغمز
دیگر کواکب کی تیترهک دکلدردر . سما حقنده
معلوماتی اولانلرجه بونک صریح سیاره سی اولدیغی
قولایقله کشف اولنه بیلیر . فلکیات صراقلیری
وهیئتشناسلر منظومه شمسیه نک (علوین) ده نیلن
سیاراتنک ایلکی اولان مریخی بو آیلرده دقتله
تعقیب ایده جکلردر چونکه ارضه اولان مسافه سی
۴۳ اغستوسده آلی بش کسور میلیون کیلومترویه
اینه جکلدر . مریخک بزه تقریبی سنه لر ، حتی عصر لردنبری
ذهنلری اشغال ایدن بعض مسائلک قطعی اوله رق
حانه یارديم ایتک احتمالی واردر .

« مریخده حیات وارمیدر ؟ » سؤالنه زمانمزده
مثبت بر جواب ویریه میور . واقعا مادام (کوزمان)
نامنده زنکین بر قادینک تبرع ایلدیکی یوز بیک
فرانک مریخدن غیری بر سیاره ایله مخبرده
بولنمه موافق اولانه ویرلمسنی فرانسه ده فن اقاده میسی
قپول ایتیش ایسه ده بو قرار ، مریخک مسکون

بعدالنسخ صحیح مقیمه رمضانده عیناً اوروج
طوتمق فرض اولدیغی کی مریض کسب عافیت
ایدوب مسافرده اقامت ایلینجه اوروجی قضا فرضدر .
امام مالک کی نسخه قائل اولانلره کوره
شیخ فانی اولونجه به قدر مستمراً عاجز اولدیغی
ایچون مریض حکمنده در . قبل الصحه مریضه
قضا و فدییه واجب اولدیغی کی شیخ فانی به ده
نه قضا و نه فدییه واجب اولماز . شیخ فانی به فدییه نک
عدم وجوبنه دائر امام طحاوی دن ده بر قول روایت
اولنمقده در .

بدایت اسلامده امت اسلامییه نک معتادی اولمایان
بر شیء ایله امر و یا بر شئیدن نهی اولونورکن عدم
انقیاد لرینه باعث اولماق و اونلری او حکمه
آلشیدیرمق حکمتنه مبنی حکم ، دفعه دکلده
توسعه طریقله تدریجاً تبلیغ اولونوردی . اساساً
بو طرز تبلیغ سنت الهیه دندر .

ایشته بونک ایچون حرمت ، خمر ، اوچ صفحه ده
تبلیغ اولنمشدردر . اولاً — مضر تی منفعتدن زیاده
اولدیغی بیان بیورلمش ، ثانیاً — اوقات ضلالتده
سکر حرام قیلنمش ، ثالثاً — حکم قطعی تبلیغ
اولونه رق ضرورت قطعیه ده تحریم اولنمشدردر .

اوروج ده خمر کی اوچ صفحه کچیرمشدر :
اولاً — مدینه منوره به هجرت وقوعنده یوم
عاشورا و ایام بیض ده استحباباً اوروج طوتولماسی
رسالتپناه اقدیمز طرفندن امر اولنمش ،
ثانیاً — ایکنجی سنه هجریه نک شعبانده
رمضان اوروجنک فرضیتی ناطق اولان (کتب
علیکم الصیام) نظم کریمی نازل اولوب (و علی الذین
یطبقونه فدییه) قول جلیلی ایله مکلفیندن صحیح
ومقیم اولوب ده اوروجه کوچی به تلر واجبی
ادا خصوصنده فدییه ویرمک ایله اوروج طوتمق
پیتنده تخییر اولنمشلردر .

محفل ادبی:

نعت شریف:

ای شاه اثر معتبری صنعت حقك
 انموذج بی شائبه سی قدرت حقك
 سنسك او كمالات ایله حقا كه یكانه
 ذاتكدر اولان جلوه گهی وحدت حقك
 خالق كهی، ائش یوق سكا ای فرد خلائق
 سنسك یالكز مظهری فردیت حقك
 اعجاب معانیجه لب معجزه گوینك
 ینبوع هدا - موجه سیدر حكمت حقك
 ارباب حقیقتجهده رخشنده جلالك
 مرأت صفا پروری ماعیت حقك
 مجلای مجالسی اودر دیده كونه .
 - تعبیری اكر جائز ایسه - صورت حقك
 قوللر سنی سه و مكله اولور حقه مقرب
 ای ذاتی اولان سه و کیلیسی حضرت حقك
 اولجه سنك بابكه بن عبد دخلم
 زیرا اوراسی مدخلی عبدیت حقك
 طاهر قولکی ملتفت ایت بر نظر كوله
 ذوق آوری اولسون او نظر، وصلت حقك
 طاهر المولری

§

فروزان خانمك ارتحالی تاریخی

۱۷ محرم ۳۳۷ تاریخنده ارتحالی وملكاه اخلاقیه
 بعض احوالی محفلك ه نومرولونسخه سنده یازیلان دادر
 مرحوم مدحت ربیبی بكك (فروزان) نامنده بریادكار
 حیاتی قالمشدی .

باباسنك فضائل اخلاقیه سیله كالات عرفانه توارث
 ایله مش اولان زواللی فروزانده ، عمرینك اك بارلاق
 دوره سنده سونوب كیندی؛ ابوده (یادوده) جوارنده
 مدفون بولونان ابونك آغوش معنوسنه نودیم اولوندی .
 تاریخ آتی، اوندن متولد تأثرمك بر زبان بر ترجمانیدر:
 ینه یاقدی اولومك صولتی حیفا یوره گی
 ینه صولدوردی هنوز غنجه اولان بر چیچکی

اولدیغنی هیچ بر وجهه اثبات ایده مز . بوندن
 باشقه مریخده قنالرك موجودیتی و بر چوق مناقشاته
 سبیت ویرن ضیادار اشارتله مسئله سی واردر .
 معالاسف مریخ افقندن چوق یوکسلمدیکی ایچون
 رصدات غایت مشكل اوله جقدر سیاره بی تمامیه
 تدقیق ایچون نصف کره جنوبیده بولمق لازم
 کلیور . هیئت مراقلیسی Mac Afee اسمنده بر
 آمریقالی بونك ایچون آمریقای جنوبیده شیلی ده
 (شانارال) نام محله دنیانك اك بیوك تله سقوبی
 تأسیس ایتمكه تشبث ایله مشدر .

بورصد آلتنك آینه سی اون بش مترودن
 فضله بر قطره مالك اوله جق و نانیه ده بر کره دور
 ایدن بر کوووهت دروننده بولنان اینجه جیوا
 طبقه سندن تشكیل ایله یه جکدر . تله سقوبك هیئت
 مجموعه سی بر معدن قویوسنك ایجریسنه وضع
 اولنه جقدر . تخمین ایدیلن مصارف یوز الی ، ایکی
 یوز بیك دولاردر . شو تصورك قوه دن فعله
 چیقمسی البته قولای دکلدر، لکن موسیو ماق
 افنك دنیاده متعدد معدن اوجاقلرینی ایشلتدیکی
 و صرف آلات رصدیه بی نقل ایچون بر کمی به
 صاحب اولدیغنی دوشونه جك اولورسه ق خیالك
 حقیقته انقلاب ایده جکنه اینانه بیلیرز .

هیئتشناسلر آمریقالی مهندسك تله سقوبیه
 الده ایده جکی نتایجی مراقله بکله یورلر . زیرا
 قنالردن ماعدا فرانسه ده نیس رصدخانه سی
 مدیری (پروتن) طرفندن ۱۹۰۰ سنه سنده
 سیاره نك قرصی اطرافنده مشاهده اولنان ضیادار
 خطرلك اسرارینی حل ایتك ممکن اولامامشدر .
 عجبا بونلر مریخیلرك بزه ویردیکی برر اشارتمیدر؟
 خلاصه یاقینده یا رصد آلتلریمزك بوزوقلیغنی یاخود
 مریخیلرك ارضیلردن زیاده مترقی اولدیغنی
 اوکره نه جکمز .

معمری